

ხელშეკრულება
სახელმწიფო შესყიდვის შესახებ N 40

ქ. თეთრიწყარო

18 სექტემბერი 2018 წელი

ერთის მხრივ ააიპ „თეთრიწყაროს მუნიციპალიტეტის სკოლამდელი აღზრდის ცენტრი“ (შემდგომში „შემსყიდველი“) წარმოდგენილი მისი დირექტორის ნატალია ბეგიაშვილის სახით და მეორეს მხრივ შპს „აიდიეს ბორჯომი თბილისი“ (შემდგომში „მიმწოდებელი“) წარმოდგენილი მისი დირექტორის აკაკი გაგნიძის სახით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ბ“ ქვეპუნქტისა და სახელმწიფო შესყიდვების სააგენტოს თავმჯდომარის 2018 წლის 18 სექტემბრის N2162 განკარგულების (SMP180001886) საფუძველზე დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით. ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად. აქედან ერთი ეგზემპლარი გადაეცემა მიმწოდებელს, ერთი - შემსყიდველს.
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრულად და ზედმიწევნით შესრულების სანაცვლოდ.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია რომელიც ახორციელებს საქონლის შესყიდვას.
- 1.5. „მიმწოდებელი“-პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 ხელშეკრულების საგანს წარმოადგენს ააიპ „თეთრიწყაროს მუნიციპალიტეტის სკოლამდელი აღზრდის ცენტრი“-ს საბავშვო ბაღებისათვის 670 ბოთლი სასმელი წყლი „ბაკურიანი“ 6.0 ლიტ.პეტის (CPV-41110000) შესყიდვა.

3. სტანდარტები და ხარისხი

3.1. არაგაზირებული ნატურალური წყალი, პლასტმასის ჭურჭელში, დამზადებული ხარისხის მაჩვენებლების და სანიტარული მოთხოვნების შესაბამისი დაცვით. თითოეულ ჭურჭელზე მითითებული ძირითადი ონების და მინერალიზაციის შესახებ ინფორმაცია შესაბამისი მარკირებით, აღნიშნული უნდა იყოს შემადგენლობა, დამზადებისა და ვარგისიანობის ვადები, ასევე ჩამომსხმელი ქვეყანა და მწარმოებელი. საქონლის ვარგისიანობის ვადა უნდა იყოს არანაკლებ მისი ვარგისიანობის მთლიანი ვადის 70%-ისა; წყლის ხარისხი უნდა შეესაბამებოდეს საქართველოს მთავრობის 2014 წლის 15 იანვრის N58 დადგენილებით დამტკიცებული „სასმელი წყლის ტექნიკური რეგლამენტი“ დადგენილ მოთხოვნებს, რაზედაც პრეტენდენტმა უნდა წარმოადგინოს შესაბამისობის სერტიფიკატი.

4. ხელშეკრულების ღირებულება

- 4.1. ხელშეკრულების ღირებულება შეადგენს 1118,90 (ერთი ათას ასთვრამეტი ლარი და 90 თეთრი) ლარს, დღგ-ს გათვალისწინებით.
- 4.2. ხელშეკრულების ღირებულება მოიცავს ხელშეკრულებით გათვალისწინებული საქონლის მიწოდება-მონტაჟთან დაკავშირებულ მიმწოდებლის ხარჯს და საქართველოს კანონმდებლობით გათვალისწინებულ გადასახადებს.
- 4.3 დაფინანსების წყარო: 2018 წლის ადგილობრივი ბიუჯეტი

5. ანგარიშსწორების პირობები

5.1 უნაღდო ანგარიშსწორება მიმწოდებელთან განხორციელდება ფაქტიურად მოწოდებული საქონლის შესაბამისად, მიღება-ჩაბარების აქტისა და საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარმოდგენის საფუძველზე, მათი წარმოდგენიდან 10 კალენდარული დღის ვადაში.

5.2 წინასწარი ანგარიშსწორება არ გამოიყენება.

6. მიღება - ჩაბარების წესი

6.1 შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

7. მიწოდების ვადები.

7.1. მიწოდება განხორციელდება 2018 წლის 18 სექტემბრიდან 2018 წლის 05 ოქტომბრამდე, შემსყიდველის წერილობითი მოთხოვნიდან არაუგვიანეს 2 (ორი) სამუშაო დღის ვადაში. მიწოდება ხორციელდება შემდეგ მისამართზე: ქ. თეთრიწყარო, თამარ მეფის N34N1 და N2, სოფელ: ქიქვაძის, სამღერეთის, გოლთეთის, კოდის, ასურეთის, ჯორჯიამეილის, მარაზდისა და ირაგის საბავშვო ბაღებში.

8. მხარეთა უფლება-მოვალეობანი

8.1. შემსყიდველი ვალდებულია:

8.1.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

8.1.2. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს მიწოდებული საქონლის ღირებულება;

8.1.4. წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ;

8.2. შემსყიდველი უფლებამოსილია:

8.2.1. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

8.3. მიმწოდებელი ვალდებულია:

8.3.1. დროულად და ხარისხიანად შეასრულოს ხელშეკრულებით ნაკისრი ვალდებულებები;

8.4. მიმწოდებელი უფლებამოსილია:

8.4.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად მიწოდებული საქონლის ღირებულების ანაზღაურება.

9. ხელშეკრულებით ნაკისრი ვალდებულებების შესრულების ინსპექტირება

9.1. ხელშეკრულებით ნაკისრი ვალდებულებების ინსპექტირებას განახორციელებს ცენტრის დირექტორი ნატალია ზეგიშვილი, ხოლო მიმწოდებლის მხრიდან შპს „აიდიეს ბორჯომი თბილისი“-ს გაყიდვების მენეჯერი ავთანდილ ჩაჩიბაია.

9.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარვეზის ანაზღაურება ეკისრება მიმწოდებელს საქართველოს კანონმდებლობით დადგენილი წესით.

10. პირგასამტებლო ხელშეკრულების პირობების შეუსრულებლობისათვის

10.1. მოთხოვნილი საქონლის დროულად არ მიწოდების შემთხვევაში მიმწოდებელს დაეკისრება პირგასამტებლო ყოველ ვადაგადაცილებულ დღეზე სახელშეკრულებო ღირებულების 0,02%-ის ოდენობით;

10.1.1. იმ შემთხვევაში, თუ ვადების გადაადინისათვის დაკისრებული პირგასამტებლოს ვაჭური თანხა გადაჭარბებს ხელშეკრულების ღირებულების 0,1%-ს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ჯარიმის გადახდა.

10.2. ხელშეკრულების პირობების შეუსრულებლობის ან მათი არასათანადოდ შესრულებისას მიმწოდებლის მოთხოვნის საფუძველზე შემსყიდველი იხდის ჯარიმას ჩასარიცხი თანხის 0,02%-ის ოდენობით ყოველ ვადაგადაცილებულ დღეზე.

10.3 ხელშეკრულებით ნაკისრი ვალდებულების არაჯეროვნად შესრულების შემთხვევაში, მიმწოდებელს

დაეკისრება პირგასამტეხლო შესასრულებელი ვალდებულების ღირებულების 10%-ის ოდენობით, რომლის შემთხვევაშიც შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ჯარიმის გადახდა.

10.4 ხელშეკრულებით ნაკისრი ვალდებულების შესრულებლობის შემთხვევაში მიმწოდებელს დაეკისრება პირგასამტეხლო სახელშეკრულებო ღირებულების 20% ოდენობით, რომლის შემთხვევაშიც შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ჯარიმის გადახდა.

11.5. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

11.2 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართი სახით, რომელიც ჩაითვლება ხელშეკრულების განუყოფელ ნაწილად და დაერთდება ხელშეკრულებას.

11.3. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.5. ხელშეკრულებაში ცვლილების შეტანის აუცილებლობისას ინიციატორი მხარე ვალდებულია არანაკლებ 3 (სამი) დღით ადრე მიმართოს მეორე მხარეს აღნიშნული ცვლილების აუცილებლობის დასაბუთებული წერილობითი თხოვნით, წინააღმდეგ შემთხვევაში მხარეს უფლება აქვს უარი თქვას ცვლილების განხორციელებაზე.

11.6 ხელშეკრულების ერთ-ერთი მხარის მიერ ხელშეკრულების პირობების შესრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

11.7. მხარე ვალდებულია არანაკლებ 2 (ორი) დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 11.6. პუნქტით გათვალისწინებული გადაწყვეტილების მიღების განზრახვის თაობაზე.

11.8. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

12. ფორს - მაჟორი

12.1. ხელშეკრულების დამდები რომელიმე მხარის მიერ ხელშეკრულების პირობების შესრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან ვალდებულებების შესრულებლობა არის ფორს-მაჟორული გარემოებების შედეგი.

12.2. ამ მუხლის მიზნებისათვის „ფორს მაჟორი“ ნიშნავს მხარეებისათვის გადაულახავ ან მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველსა და/ან მიმწოდებლის შეცდომებთან და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საბიუჯეტო ასიგნების ძველი შეზღუდვებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს იგი თავისი შეხედულებისამებრ მიზანშეწონილობისა და შესაძლებლობებისა და მიხედვით აგრძელებს ხელშეკრულებით

ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12.4. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის მოთხოვნის უფლების გარეშე.

13. დავები და მათი გადაწყვეტის წესი

13.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. შეტყობინება

14.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ფაქსის, ტელექსის ან ელექტრონული სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

14.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შეხედის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

15. გადასახადები და დაბეგვრა

15.1. მიმწოდებელი პასუხს აგებს საქართველოს კანონმდებლობით დადგენილი გადასახადების, მისაკრებლების და სხვა გადასახადების გადახდაზე.

16. სხვა პირობები

16.1. ამ ხელშეკრულებით გათვალისწინებული პირობები რეგულირდება საქართველოს კანონმდებლობით.
16.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

17. ხელშეკრულების მოქმედების ვადა

17.1. ხელშეკრულება ძალაშია 2018 წლის 18 სექტემბრიდან და მოქმედებს 2018 წლის 31 დეკემბრამდე.


18. რეკვიზიტები

შემსყიდველი:

ააიპ სკოლამდელი აღზრდის ცენტრი
ს.კ. 230869539
მის: ქ. თეთრიწყარო, თამარ მეფის ქ. #35,
საბანკო რეკვიზიტები:
სახელმწიფო ბანკი
GE24NB0330100200165022

მიმწოდებელი:

შპს „აიდიეს ბორჯომი თბილისი“
ს.კ. 404888528
მის: ქ. თბილისი, ილ. ჭავჭავაძის გამზ. 25
საბანკო რეკვიზიტები:
ბანკი: თბილისი ბანკი
კოდი TBCBE22
ა.ა. GE07TB715593602010000



ხელწერილი ინტერესთა კონფლიქტის
არ არსებობის შესახებ

ქ. თეთრიწყარო

18 სექტემბერი 2018 წელი

„სახელმწიფო შესყიდვის შესახებ“ საქართველოს კანონის მე-8 მუხლისა და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-5 მუხლის მე-6 პუნქტის შესაბამისად, ააიპ სკოლამდელი აღზრდის ცენტრის დირექტორი ნატალია ბეგიაშვილი ვადასტურებთ, რომ შპს აიდიეს ბორჯომი თბილისისთან გამარტივებული შესყიდვის განხორციელებაში და ხელშეკრულების შესრულების კონტროლის განხორციელებაში ჩემი მონაწილეობა არ იწვევს ინტერესთა კონფლიქტს.

ნატალია ბეგიაშვილი (დირექტორი)

